

აღსანიშნავია, რომ სახელმწიფოსთვის პრიორიტეტია თანამედროვე სტანდარტის აგროწარმოების განვითარების ხელშეწყობა, შესაძისად, ხორციელდება არაერთი პროგრამა, მათ შორის, დეგრები-სათვის სხვადასხვა სიმძლავრის, ახალ სასოფლო-სამეურნეო ტექნიკაზე ხელმისაწვდომობის ზრდის მიმართულებით. 2013 წლიდან დღემდე, ქვეყნის მასშტაბით, ჯამში, 7500 ერთეული 440 მლნ ლარზე მეტი ღირებულების სხვადასხვა სიმძლავრის სასოფლო-სამეურნეო ტექნიკა და იმპლემენტები შეძენილი. სოფლის განვითარების სააგენტოს თანადაფინანსება 122 მლნ ლარს აღემატება.

შეხვედრა ახალგაზრდებთან



ლენტეხის მუნიციპალიტეტის მერის, გია ონიანის, ერთ-ერთი მთავარი პრიორიტეტი თვით-მმართველობის საქმიანობაში ახალგაზრდობის ჩართულობა და მათი როლის გაზრდაა.

ამ მიზნით რაჭა-ლეჩხუმ, ქვემო სვანეთის სახელმწიფო რწმუნებულის მოადგილე, ბერდია ჩანქსელიანი და ლენტეხის მუნიციპალიტეტის მერი, გია ონიანი N1 და N2 საჯარო სკოლის დამამთავრებელი კლასის მოსწავლეებს შეხვდნენ.

შეხვედრაზე მოსწავლეებს გააცნეს მუნიციპალიტეტში მიმდინარე და დაგეგმილი პროექტები და აქტივობები.

ძირითადად საუბარი იყო ტურიზმის ხელშეწყობაზე, ინფრამაცია მიაწოდეს ყოვლადამთავრებულ მშენებლობაზე.

მიმდინარე სამთო-სათხილამურო ბანაკის მშენებლობაზე, რომელიც მომავალში ერთ-ერთი მთავარი მამოძრავებელი ძალა იქნება ტურიზმის განვითარებაში.

საუბარი ასევე შეეხო, სურვილის შემთხვევაში, მოზარდებისთვის სვანური ენის შემსწავლელი კურსების შემოღებას, რომელიც სულ მალე დაიწყება.

ბავშვებმა საკუთარი მოსაზრებები და საჭიროებები გააცნეს ხელისუფლების წარმომადგენლებს და სამომავლო პროფესიების არჩევანზე ისაუბრეს.

ამგვარი შეხვედრები მომავალშიც აქტიურად გაგრძელდება, რომელიც ხელს შეუწყობს მუნიციპალიტეტში დაგეგმილი და გატარებული სხვადასხვა ღონისძიებების განხორციელებას და ცნობიერების ამაღლებას ახალგაზრდებში.

მუნიციპალიტეტის პრიორიტეტი ტურისტული ინფრასტრუქტურის მონესრიგებაა



ტურისტული ინფრასტრუქტურის მოწესრიგება ლენტეხის მუნიციპალიტეტის ერთ-ერთი მთავარი პრიორიტეტი. ამ მიზნით აქტიურად მიმდინარეობს სოფელ ხელედიდან სკალდის მიმართულებით მგელი საავტომობილო (სამეურნეო) დანიშნულების გზის აღდგენა-რეაბილიტაციის სამუშაოები.

სკალდის ეკლესიასთან მისასვლელი გზის მოწყობა განსაკუთრებით მნიშვნელოვანია ტურისტული თვალსაზრისით. ასევე - იმ მომლოცველებისთვის, რომლებიც ყოველწლიურად სვანურ ტრადიციულ დღესასწაულზე „სკალდობაზე“ სტუმრობენ მონასტერს.

პროექტით გათვალისწინებულ

სამუშაოებს „ელიტ ბაილდერს გრუპი“ ასრულებს, რომლის ღირებულება 301,718 ლარს შეადგენს.

მიმდინარე სამუშაოები, მონიტორინგის მიზნით, რაჭა-ლეჩხუმ, ქვემო სვანეთის სახელმწიფო რწმუნებულის მოადგილე ბერდია ჩანქსელიანი, ლენტეხის მუნიციპალიტეტის საკრებულოს თავმჯდომარე გიორგი გახდელიანი, მერის მოადგილე ზვიადი ლომჯანიძემ მონაწილეობა მიიღეს.

უშველეს ძეგლებამდე და ტურისტულ ობიექტებამდე მისასვლელი გზების მოწყობა ადგილობრივი მოსახლეობის სოციალურ-ეკონომიკური მდგომარეობის გაუმჯობესების ერთ-ერთი უმნიშვნელოვანესი წყაროა.

სოფლების მოსახლეობასთან შეხვედრები გრძელდება

ლენტეხის მუნიციპალიტეტის მერი გია ონიანი, მერის მოადგილე ზვიად ლომჯანიძე სოფელ ყვედრეთის მოსახლეობას შეხვდნენ და მიმდინარე და დაგეგმილი ინფრასტრუქტურული პროექტები მათთან ერთად განიხილეს.

შეხვედრა კითხვა-პასუხის რეჟიმში მიმდინარეობდა.

„ძალიან მნიშვნელოვანია მოსახლეობასთან შეხვედრები, რადგან უშუალოდ მათგან მოვისმინოთ სოფლის საჭიროებები და მოსახლეობამ აირჩიოს სოფლისთვის პრიორიტეტული პროექტები.

განხორციელებული და უკვე მიმდინარე პროექტები მოსახლეობის ინტერესების გათვალისწინებით დაიგეგმა და ადგილობრივი ინფრასტრუქტურის მოწესრიგების სამუშაოები აქტიურად გრძელდება,“ - აღნიშნა გია ონიანი.

მოსახლეობასთან მსგავსი ტიპის შეხვედრები ხელს უწყობს როგორც სოფლისთვის მნიშვნელოვანი საკითხების მოგვარებაში მოქალაქეთა ჩართულობის გაზრდას, ასევე - თემის პრიორიტეტებისა და სამომავლო მიმართულებების განსაზღვრას.

„ვიდრე თითოეული მოქალაქე არ შეიძრძნობს, რომ სახელმწიფო „მეწველი ძროხა“ არ არის, მანამდე ძალიან გაბზვირდება...“

ლენტეხის მუნიციპალიტეტის მერი, გია ონიანი, რაიონის გამომწვევებისა და მიღწევების შესახებ



პირველი გვერდიდან

თანაც სკოლის შემდეგ, ეს ძალიან რთულია და შეუძლებელიც. ამის გამო, მშობლებს ბავშვები მასიურად გადაჰყავდათ ქალაქებში. ამ მიმართულებით მუშაობა დავიწყეთ. სიმღერისა და ცეკვის ფუნქციური კლუბები ყველა სოფელში გახსენით. მერე ხეობაში ძიუდოს სექცია დავამატეთ, ასევე რაჭა-ლეჩხუმ-ქვემო სვანეთის კლუბი „ამარანტები“ შეიქმნა და ამ კლუბის მეშვეობით ყველა სოფელში შევიდა რაგბი. „ამარანტებს“ კერძო ინვესტორი აფინანსებს. მიკროავტობუსი, რომელიც საჩუქრად გადავცვი, კვირაში სამჯერ დადის სოფლებში და ბავშვებს კრებს. იქვე ვარჯიშები უტარდებოდა და მერე სახლებში ბრუნდებოდა.

გასულ წელს ძალიან კარგი სპორტული შეკრებაც მოეწყო კვებითა და კარგი პირობებით. World Rugby-ისა და რაგბის კავშირმა ტურნირები ჩაატარა და მთელი საქართველოდან 11-12 ბავშვის წაყვანა დაფინანსდა საფრანგეთში, აქედან 6 ბავშვი ლენტეხიდან გაუშვით. ახლა კიდევ ერთი ბავშვის გაშვებას ვაპირებთ. ამ მხრივ დიდი პერსპექტივაა. ასევე აღსანიშნავია, რომ ქალთა რაგბი ჩამოვყალიბეთ და სარანგეთის ტურნირში 5 გოგონა და ერთი ვაჟი იღებდა მონაწილეობას.

World Rugby-მ ლენტეხი საფესტივალო ქალაქი გახადა. გვინდა, 26 მაისს ოლეგ ლიპარტელიანის სახელობის მასშტაბური ფესტივალი ჩავატაროთ. რაგბის სტადიონის განახლებაზე პროექტი უკვე მზადაა და საერთაშორისო დონის სტადიონი უნდა გაკეთდეს, რომელიც სხვადასხვა სპორტსმენს უმასპინძლებს და აქ იქნება ცენტრი.

ასევე ძიუდო და კალათბურთი უნდა განვავითაროთ, სპორტდარბაზი გარემონტდება და მთელი ინვენტარიტი აღიჭურვება. ასევე კრივის სექციისთვის შევიძინეთ ინვენტარი.

საქართველოში პირველად ჩატარდა ბეტალონის ტურნირი, ოლიმპიური სახეობაა. სროლა სვანურ ხასიათში კარგად ჯდება. ორი თვის განმავლობაში, ტურიზმის წარმომადგენელთან ერთად მე ვავარჯიშებ ბავშვები, მწვრთნელი არ გვყოლია. ინტერნეტით ვუყურებდით და ისე ვეზადებოდათ. ეს პირველი საწყისი იყო და ვფიქრობთ, რომ უფრო დიდ საფეხურზე გადავა. სპორტის სამინისტროსგან მაქსიმალური მხარდაჭერა და ფედერაციასთან მჭიდრო კავშირი გვაქვს, რეგიონულ ცენტრს ვაფუძნებთ. ამ სახეობაში ფედერაციაში ერთ-ერთი წარმომადგენელი მეც ვიქნები.

კულტურის მინისტრ თვა წულუკიანის მხარდაჭერით, სამთო ბაზა შენდება, რომელიც საქართველოში ერთ-ერთი იქნება. მეგლდეურების ბანაკი მოეწყობა, რის შემდეგაც საერთაშორისო დონის მთასვლელები შეგვიძლია მივიღოთ. მჯერა, ეს როგორც სპორტული კუთხით, ასევე ტურისტული მიმართულებით, ძალიან დიდი წარმატების მომტანი იქნება.

- ტურიზმის მიმართულებით კიდევ რა გეგმები გაქვთ?

- ტურისტული მიმართულებას რაც შეეხება, ძალიან მინდა სვანური ყოფა-ცხოვრების ამსახველი მუზეუმის გაკეთება ლენტეხში, რომელიც საქართველოში პირველი იქნება და ანალოგი არ ეყოლება. ცვილის ფიგურები იქნება, მაგალითად, ბავშვი როგორ თამაშობს ნახშირში, ავანში ჩვილი როგორ წევს, დედა როგორ არწევს, მახვილი როგორ ზის სკამზე და ა.შ.

- კულტურის მიმართულებით თუ გაქვთ სიახლეები?

- კულტურის სახლი უკვე დავასრულეთ და აუცილებლად დავიწყებთ სპექტაკლების ჩვენებას. გვსურს, რომ აქ დაიდგას სპექტაკლები და მყუერებლები სხვადასხვა ქალაქიდან ჩამოვიდნენ. კინო ფილმების ჩვენებასაც გავმართავთ.

- ბატონო გია, ინფრასტრუქტურა

რულ პროექტებზე რას გვეტყვით, რა პროექტები ხორციელდება?...

- ამ კუთხით დიდი ძვრები გვაქვს. მომდევნო წელს უკვე ყველა სოფელს ბეტონის გზა ექნება. სივრცით მოწყობებზეც მალე გადავალთ, სასმელი წყლის პრობლემაც სოფლის 90%-ს წელს მოუგვარდება. წყალი, მართალია, ყველას მიეწოდება, თუმცა წყლის სისტემები მწყობრიდან გამოვიდა და ვცვლით. 13 მილიონიანი პროექტია და დაბის სრული რეაბილიტაცია მოხდება. ცენტრალური აუზი შეკეთდება, გაფართოვდება და თანამედროვე დონეზე მოეწობა.

მალე რამდენიმე მიკროპესის მშენებლობაც დაიწყება, ეს ადგილობრივ შემოსავალს დადებითად შეცვლის. და 2 წელიწადში სულ სხვა რეალობა გვექნება ლენტეხში.

მართალია, სოფლებში არსებული საჯარო სკოლები გარემონტდა, თუმცა ამ ეტაპზე, ბაგა-ბაღებში გვაქვს პრობლემა. შენობების პრობლემა და ინვენტარიც გასახლეობე...

ცენტრალური ბიბლიოთეკის სრული რეაბილიტაცია უნდა დაიწყოს, პროექტი მზადაა და დაფინანსებას ველოდებით, რის შემდეგაც სოფლებსაც მივხედავთ.

- და ბოლოს, როგორც მოქალაქე რას შეგვიღიძოთ ლენტეხში?

- ბევრი რამეა შესაცვლელი და სიამოვნებით შეცვლი, დრო სჭირდება და ნელ-ნელა ყველაფერი გამოვა. როგორც მოქალაქე, ალბათ ვეცდებით, რომ ხელისუფლებისთვის ხელი შემიწყო, მეტი თანადგომა და აქტიურობა გამომეჩინა. აუცილებელია და ყველას მინდა მოვუწოდო, რომ თითოეულმა მოქალაქემ ლენტეხის საჭიროებებზე ვიფიქროთ და პრობლემების მოგვარებაზე ერთად ვიზრუნოთ.

აი, დამოუკიდებელი მოქალაქე რომ ვიქნები, ბევრი რამე მაქვს დამახსოვრებული და ჩაწერილი. ძალიან ბევრთან მაქვს ჩემი სათქმელი, ახლა თემის ვალდებულება მაჩერებს. ვიდრე თითოეული მოქალაქე არ შეიგრძნობს, რომ სახელმწიფო „მეწველი ძროხა“ არ არის, მანამდე ძალიან გაგვიჭირდება. აუცილებელია და ყველას მინდა მოვუწოდო, რომ თითოეულმა მოქალაქემ ლენტეხის საჭიროებებზე ვიფიქროთ და პრობლემების მოგვარებაზე ერთად ვიზრუნოთ.

**მარიამ ირემაძე
ნატო გუბელაძის ფოტოები**



მავსებს ტკბილ-მწარე წარსულის
წლებით,
არც მთლად ზღაპრით და თეთრი
გედებით...
უცებ მაფიხოლებს ბარმენის ხრინწი,
უხემაღ:
- მორჩა! ჩვენ ვიკეტებით!

ბაზომაგნიეტი: მპს „ქიმიკონი“; კომპანია ტენდერში გამარჯვების გზით მოიპოვა ლენტეხის მუნიციპალიტეტისთვის ყოველთვიური საზოგადოებრივი გამათმის გამომშვების უფლება (საგამათო მასალების მომზადება, ბეჭდვა და ადგილზე მიწოდება). ხელშეკრულება №21 (12.02.2024).